



25. september 2013

Inatsisartut Suleriaasianni § 37 naapertorlugu Naalakkersuisunut apeqquutit imaattut matumuuna saqqummiuppakka:

Naalakkersuisunut apeqquutit 2014-mi uuliasiorluni qillerinissat pillugit
(Inatsisartunut ilaasortaq Jens B. Frederiksen, Demokraatit)

Tunngavilersuut

Naalakkersuisut siulittaasuut ammaalluni oqalugiarami innuttaasunut akisoorsuarnik amerlasuunik neriorsuuteqarpoq. Assersuutigalugu neriorsuutigai utoqqaat atungaannik pitsanngorsaanissaq, Qaqortumi timmisartunut suluusalinnut mittarfiliortoqassasoq, kollegialionermut amerlanerlinik aningaaliisoqassasoq illuliortiternerli sinerissamut siammarneqassasoq.

Neriorsuutilli tamarmik aningaasartaqanngillat aamma 2014-mut aningaasanut inatsisissamut siunnersuummi neriorsuutit arlaannaalluunniit ersinngilaq. Taamaattumik ulloq 18. septembr aningaasanut inatsisissatut siunnersuut oqaluuserineqarmat Aningaasaqarnermut Naalakkersuisoq aperaara Naalakkersuisut Siulittaasuata neriorsuuterpassuit Naalakkersuisut qanoq aningaasalersorniarneraaat.

Akivoq partiinik isumaqatigiinniarnert aqutugalugit aningaasat nassaarineqassamaartut aamma 2014-mi uuliasiorluni qillerinernut atatillugu immikkut isertitassanit. Paasisutissiissut kingulleq tupigusuallannarpoq, eqqaamannginnakku tusarnikuunerlugu Naalakkersuisut oqartut 2014-mi pinngitsoorani uuliasiorluni qillerisoqassamaartoq. Soorunami imaassinnaavoq Naalakkersuisut ilisimasaqarnerusut uannut naleqqiullugu.

Taamaattumik Naalakkersuisunut imatut apererusuppunga:

1. Naalakkersuisut 2014-mi uuliasiorluni qilleriniartunit qinnuteqaatinik tigusaqarnikuuppat?

Taamaassimappat taava Naalakkersuisunut uku apeqquutit akeqquneqarput:

1a. 2014-mi uuliasiorluni qillerinissamut Naalakkersuisut akuersissutinik tunniussaqaarnikuuppat?

1b. Naalakkersuisut tusarniaanikuuppat aamma Naalakkersuisut tigusaqarnikuuppat uppersaatit avatangiisinut, peqqinnissamut inatsisitigullu pissutsit malinneqarumaartut?

Taamaattoqanngippat Naalakkersuisunut apeqquutit uku akeqquneqarput:

1c. Naalakkersuisut toqqissisimanartutut isiginerlugu, Aningaasaqarnermut Naalakkersuisoq taama ersaritsigisunik oqaluttarfimmiik saqqummiussimmat suliluunniit qinnuteqaatit tiguneqanngitsut aamma inatsisit naapertorlugit suliarineqanngitsulluunniit sulii?



1d. Naalakkersuisut isumaqarnerlutit 2014-mi qilleriniarlutik qinnuteqarumaartussanut itigartitsinissaq ajornassasoq, Aningaasaqarnermut Naalakkersuisup oqaluttarfiit ataqqinarnersaanniik uuliasiorluni qillerinermiit isertitassat naatsorsuutigilereersimammagit?

2. Aningaasaqarnermut Naalakkersuisup ilisimanerlugu, missingersuusiornermut inatsit unioqqutinneqassaoq, isertitat qularnartut aamma suli tagginneqanngitsut tunngaviginiarneqassappata?

Apeqqutikka Naalakkersuisunit akeqquneqarput tiguseraniit ullut sulliviit nalignnaasut qulit qaangiutsinnagit.